

PREDGOVOR

Smjernice o djelovanju centara za pružanje usluga socijalne skrbi dnevnog zbrinjavanja djece s invaliditetom i djece ometene u razvoju u FBiH imaju za cilj promovirati uspostavljanje jedinstvenih standarda za osnivanje dnevnih centara na teritoriji Federacije BiH.

Bosna i Hercegovina je ratificirala Konvenciju o pravima osoba s invaliditetom 12. marta 2010. godine, dok je Konvenciju o pravima djeteta ratificirala 1. septembra 1993. godine.

U skladu sa člankom 23. Konvencije države stranke priznaju da dijete s teškoćama u duševnom ili tjelesnom razvoju treba voditi ispunjen i pristojan život u uvjetima koji jamče dostojanstvo, jačaju djetetovo oslanjanje na vlastite snage i olakšavaju njegovo djelatno sudjelovanje u zajednici.

Pružanje pomoći u vezi sa definiranim potrebama djeteta sa invaliditetom treba biti besplatno kad god je to moguće, uz uvažavanje materijalnih mogućnosti djetetovih roditelja ili drugih osoba koje o njemu skrbe, te će biti organizirano tako da djetetu s invaliditetom osigura djelotvoran pristup obrazovanju, zdravstvenim službama rehabilitacijskim službama, pripremi za zapošljavanje i mogućnostima rasonode, što mu omogućuju puno uključivanje u zajednicu i osobni razvoj, uključujući njegov kulturni i duhovni napredak.

Iako još uvijek nisu stvoreni zakonski preduvjeti za donošenje Pravilnika o uspostavi dnevnih centara za djecu sa invaliditetom u FBiH, Federalno ministarstvo rada i socijalne politike se odlučilo potaknuto dokumentovanim potrebama sa terena a u saradnji sa UNICEFom i podrškom od Europske Delegacije u BiH izraditi dokument Smjernice o djelovanju centara za pružanje usluga socijalne skrbi dnevnog zbrinjavanja djece s invaliditetom i djece ometene u razvoju u FBiH.

Smjernice koje su pred Vama imaju za cilj da odgovore na ove potrebe i omoguće djetetu s invaliditetom pravo na posebnu skrb kroz uspostavljanje servisa dostupnih kroz dnevne centre a na lokalnim nivoima i u mjestu u kojem žive njegovi roditelji ili drugi koji skrbe za njega.

Kroz promociju ovog pristupa namjera dokumenta je da se usluge za djecu s invaliditetom, naročito za djecu s teškim ili kombinovanim smetnjama, ubuduće pružaju kroz dnevne centre i da se potakne izbjegavanje institucionalnog vida zbrinjavanja što je neka dosadašnja praksa. Pružanje dnevnih usluga u lokalnim zajednicama znači da djeca ne moraju biti odvojena od svojih obitelji i da mogu boraviti u lokalnoj zajednici, što će dovesti do promoviranja i realizacije socijalnog uključivanja djece u aktivniji društveni život.

Ove Smjernice su i direktna nadopuna Strategiji za izjednačavanje mogućnosti za osobe sa invaliditetom u Federaciji Bosne i Hercegovine 2011 - 2015.

Sarajevo, 03.12.2014. godine


MINISTAR
Vjekoslav Čamber